



Tī Hō-mó-sah, joáh--lâng sī chiok àu-joáh. Tû-liáu thiⁿ-khì ê iân-kò, mā ū chiâⁿ chē lâng jiám tiòh Ma-lá-lí-á kòe-sin--khì. Che sī tī jiát-tài tiāⁿ chhut-hiân ê chit khoán pēⁿ. Tō sng chiap-siū kòe choan-giap hùn-liân ê sian-siⁿ, mā kāng-khoán ū khó-lêng ē tiòh-pēⁿ. It-pat-kiú-liók-nî, I-lī-sa-pék jiám tiòh Ma-lá-lí-á, phòh-pēⁿ kah kài siong-tiōng. Sian-siⁿ kā i kiàn-gī ài tng-khì Sǒ-kek-lân hiòh-khùn. Sòng bók-su sī-sōa chhōa I-lī-sa-pék kap gín-á tng khì Sǒ-kek-lân, sūn-sòh chiap-siū oân-chéng ê tī-liâu. Bô gōa kú, I-lī-sa-pék tō khoe-hók kiân-khong. It-pat-kiú-chhit-nî, i tī Sǒ-kek-lân chēng-ióng ê sī, i siōng sè-hàn ê hâu-seⁿ sūn-lī chhut-sì. I mā tī Sǒ-kek-lân kok-tē ê kàu-hōe ián-káng, hun-hióng tī Hō-mó-sah ê kang-chok keng-giām. Chiok chē lâng hō i ê jiát-chēng kám-tōng, mā koat-tēng beh kā i chi-chhî.